



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-37/16

Sarajevo, 31.05.2016. godine

Na osnovu člana 69. stav 1. tačka b), člana 70., člana 103. Zakona o javnim nabavkama Bosne i Hercegovine («Službeni glasnik BiH», broj 39/14) i člana 34. Pravilnika o javnim nabavkama roba, usluga i radova glavni tužilac Tužilaštva/Tužiteljstva BiH donio je

O D L U K U
O PONIŠTENJU POSTUPKA JAVNE NABAVKE

1. **PONIŠTAVA SE** u cjelosti postupak javne nabavke naftnih derivata za potrebe Tužilaštva BiH, po otvorenom postupku, koji je objavljen u „Službenom glasniku BiH” broj 13/16 a na osnovu Rješenja Ureda za razmatranje žalbi BiH broj: JN2-01-07-1-183-6/16 od 18.05.2016.godine.
2. Poništava se cjelokupna tenderska dokumentacija za nabavku naftnih derivata kao i svi kasnije doneseni akti Tužilaštva BiH u ovom postupku.
3. Ova odluka biće objavljena na internet stranici Tužilaštva/Tužiteljstva BiH.
4. Ova odluka se primjenjuje od dana donošenja.

O b r a z l o ž e n j e

Ugovorni organ Tužilaštvo/Tužiteljstvo BiH je u skladu sa članom 18. Zakona o javnim nabavkama pokrenulo otvoreni postupak za javnu nabavku naftnih derivata, koje Obavještenje o nabavci broj:435-1-1-186-3-2/16 je objavljeno na Portalu javnih nabavki dana 10.02.2016.godine i Ispravku za Obavještenje o nabavci broj: 435-1-1-186-3-2/16 od 16.02.2016.godine a procijenjena vrijednost nabavke je 249.999,00 KM.

Na Odluku o izboru najpovoljnijeg ponuđača broj A-37/16 od 24.03.2016.godine, ponuđač „Hifa – petrol” d.o.o. Sarajevo je dostavio žalbu dana 04.04.2016.godine koju je Tužilaštvo/Tužiteljstvo BiH proslijedilo Uredu za razmatranje žalbi BiH dana 07.04.2016.godine na dalje postupanje.

Ured za razmatranje žalbi BiH je utvrdio da se u predmetnom postupku odstupalo od zakonskih pravila što je dovelo do bitnih povreda Zakona te je donio rješenje broj JN2-01-07-1-183-6/16 od 18.05.2016.godine, kojim je žalba usvojena.

Nadalje, istim Rješenjem, primjenom odredbi člana 103.i člana 111. stav (1) tačka d) Zakona o Javnim nabavkama, Ured za razmatranje žalbi BiH je odlučio da se postupak javne nabavke u cijelosti

poništava, odnosno poništava se cjelokupna tenderska dokumentacija za nabavku naftnih derivata kao i svi kasnije doneseni akti Tužilaštva BiH u ovom postupku javne nabavke.

Na osnovu svega navedenog, a u skladu s odredbom člana 69. stav 1. tačka b) Zakona o javnim nabavkama BiH odlučeno je kao u dispozitivu.



GLAVNI TUŽILAC
TUŽILAŠTVA/TUŽITELJSTVA BiH
Goran Salihović